



Cynnig  
GOFAL PLANT CYMRU  
The CHILD CARE Offer for  
WALES

Addysg gynnar a gofal • Early education and care



# Beth yw'r Cynnig Gofal Plant?

## Crynodeb y Cynnig

30 awr yr wythnos o addysg gynnar a gofal plant am ddim i rieni cymwys sy'n gweithio a chanddynt blant 3 neu 4 oed, am hyd at 48 wythnos y flwyddyn. Bydd y 30 awr yn cynnwys cyfuniad o'r ddarpariaeth Meithrin Cyfnod Sylfaen (MCS) presennol sydd ar gael i bob plentyn tair a phedair blwydd oed a'r gofal plant ychwanegol a gyllidir i deuluoedd cymwys.

## Sawl awr o ofal plant?

Y cynnig yw uchafswm o 30 awr o addysg a gofal plant wedi'u cyfuno. Cyfrifir nifer yr oriau o ofal plant drwy ddefnyddio'r ddarpariaeth MCS presennol yn eich awdurdod lleol fel sail, fel na fydd unrhyw gyfanswm wedi'i gyfuno yn fwy na 30 awr.

Ni ofynnir i rieni gyrchu eu hawl i addysg gynnar fel rhagofyniad cyn iddynt gyrchu elfen gofal plant y cynnig, fodd bynnag, bydd eu hawl yn cynnwys yr oriau hyn, p'un ai a ydynt yn eu cyrchu ai peidio.

## Pwy fydd yn darparu'r Cynnig?

Mae pob lleoliad gofal plant sy'n **gofrestredig gyda Arolygiaeth Gofal Cymru (AGC)** yn gallu darparu'r cynnig beth bynnag yw eu cyfeiriad busnes. **Ni ellir** cymryd y cynnig mewn unrhyw leoliad neu gydag unrhyw berson **nad yw'n** gofrestredig gydag AGC (neu Ofsted yn Lloegr).

Bydd rhieni cymwys yn cael ymgymryd â'u gofal plant mewn unrhyw leoliad gofal plant cofrestredig sy'n gweddu eu hamgylchiadau personol a theuluol, pa un ai a yw yn y sir neu'r tu allan iddo (gan gynnwys Lloegr), cyhyd â bod y lleoliad yn ddarparwr cofrestredig ac wedi cytuno i gymryd rhan yn y cynnig, gallwch eu defnyddio ar gyfer eich oriau gofal plant.

## Pa bryd all teuluoedd ddefnyddio'r Cynnig?

Yng Nghasnewydd, bydd y cynnig yn fyw o fis Medi 2018 a bydd rhieni cymwys yn gallu gwneud cais o fis Gorffennaf 2018. Bydd plentyn yn gallu defnyddio'r cynnig o'r tymor ar ôl ei ben blwydd yn dair oed tan y mis Medi yn dilyn ei ben blwydd yn bedair oed pan gynigir lle addysg amser llawn iddo - gan alinio gyda'r ddarpariaeth Meithrin Cyfnod Sylfaen (MCS).

Gall rhieni gymryd y cynnig gofal plant ar unrhyw bwynt yn ystod y cyfnod hwn, cyhyd â'u bod yn gymwys i wneud felly. Dylai rhieni fod yn gallu defnyddio'r cynnig ar unrhyw adeg y dymunant yn ystod y tymor hwnnw, cyhyd â bod eu plentyn yn gymwys o ddechrau'r tymor hwnnw, neu'n gynharach. Mae hyn yn cynnwys rhieni sy'n symud i mewn i ardal beilot neu'n llwyddo i gael cyflogaeth.

Bydd pob rhiant a asesir fel rhywun cymwys i dderbyn y gofal plant a gyllidir yn derbyn llythyr cadarnhau. Bydd y gofal plant a gyllidir yn dechrau wedi i'r rhieni dderbyn y llythyr.

Ni fydd plant yn gymwys mwyach i ymgymryd â'r cynnig gofal plant o'r adeg pan fyddant yn cael cynnig lle addysg amser llawn gan eu hawdurdod lleol.

## Pwy all ddefnyddio'r cynnig?

**Er mwyn gallu defnyddio elfen gofal plant y cynnig mae'n rhaid i rieni a gwarcheidwaid:**

- Fyw mewn ardal beilot a ddynodir – Ar gyfer mis Medi 2018 mae'r ardaloedd canlynol wedi eu cynnwys yn y Cynnig Gofal Plant: *Gaer, Maesglas, Tŷ-Du, Llyswry, Malpas, St Julians, Stow Hill, a Shaftesbury*. Bydd cyflwyno graddol pellach i weddill Casnewydd yn dilyn.
- Bod yn gyflogedig neu'n hunangyflogedig ac yn byw yn barhaol yng Nghymru. **Rhaid i'r ddau riant** fod yn gweithio mewn teulu dau riant, neu'n unig riant mewn teulu un riant;
- Fod yn ennill cyfwerth â lleiafswm wythnosol o 16 awr ar yr isafswm cyflog cenedlaethol (ICC) neu'r cyflog byw cenedlaethol (CBC) (tua £111 a £115 yr wythnos ar y cyfraddau 21-24 ICC ac CBC perthnasol).
- Rhienni sy'n ennill cyfwerth â 16 awr wths neu fwy (NMW/NLW), ond llai na £ 100k y flwyddyn

At ddiben y cynlluniau peilot, bydd angen i rieni brofi eu bod yn gweithio o leiaf 16 awr yr wythnos, trwy gyfrwng eu henillion.

Pan fydd rhieni wedi gwahanu ond nad ydynt yn rhannu gwarchodaeth gyfartal ar y plentyn, y riant sydd â'r brif warchodaeth a fydd yn gymwys i dderbyn y cynnig (os bydd yn bodloni'r meini prawf cymhwyster). Pan fydd rhieni'n rhannu gwarchodaeth gyfartal, bydd angen i **un** riant gael ei enwebu fel y riant arweiniol ar gyfer y cynnig.

Bydd angen i rieni, gwarcheidwaid, llys-rieni a phartneriaid sy'n cyd-fyw â riant oll fodloni'r meini prawf cymhwysedd er mwyn i blentyn sy'n byw ar yr aelwyd honno allu derbyn y Cynnig.

### **Absenoldeb Rhiant**

Gall rhieni sydd ar absenoldeb rhiant wneud cais am y cynnig gofal plant os byddant yn bodloni'r meini prawf cymhwysedd cyn yr absenoldeb rhiant statudol. Fodd bynnag, mae cymhwysedd ar gyfer y cynnig gofal plant ond yn ystod y cyfnod o absenoldeb rhiant statudol.

### **Beth fydd yn digwydd os byddaf i neu'm partner yn colli ein swydd?**

Os digwydd bod rhiant yn peidio a bod yn gymwys, rhoddir cyfnod eithrio o 8 wythnos pan fydd yn gallu parhau i fanteisio ar y cynnig.

### **Eithriadau i Gymhwysedd**

Mae rhai amgylchiadau pan fydd rhieni yn gallu manteisio ar y cynnig pan na fyddant yn bodloni'r meini prawf cymhwysedd, sef:

- lle y bydd un rhiant neu'r ddau i ffwrdd o'r gweithle dros dro ar dâl salwch statudol neu'n derbyn tâl mamolaeth/tadolaeth statudol;
- pan fydd un rhiant yn gyflogedig ac un rhiant yn anabl neu'n analluog yn seiliedig ar dderbyn budd-daliadau penodol neu fod ganddo gyfrifoldebau gofal sylweddol yn seiliedig ar fudd-daliadau penodol a gaiff eu derbyn ar gyfer gofalu;
- Gofalwyr perthynas, gofalwyr teulu a ffrindiau sydd wedi cymryd cyfrifoldeb dros blentyn neu lys-blentyn nad yw'n perthyn iddynt oherwydd:
  - nid oes rhieni gan y plentyn neu mae rhieni ganddo na allant ofalu am y plentyn;
  - Mae'n debygol y byddai'r plentyn fel arall yn derbyn gofal gan awdurdod lleol oherwydd pryderon yn ymwneud â lles y plentyn.

## Sut allaf ddefnyddio'r oriau o ofal plant?

### **A oes cyfyngiad ar nifer y lleoliadau y gellir defnyddio'r cynnig ynddynt, mewn unrhyw ddiwrnod penodol?**

Bydd y cynnig yn galluogi plant i gael hyd at uchafswm o ddau leoliad gofal plant yn ogystal â'u lleoliad MCS ar unrhyw ddiwrnod penodol.

Yn ystod y cyfnod gwyliau, felly, gall plentyn ddefnyddio uchafswm o ddau leoliad cofrestredig o dan y cynnig.

### **A oes cyfyngiadau i'r diwrnodau, adegau'r diwrnod a nifer yr oriau pan y gellir manteisio ar y cynnig?**

Ar gyfer y flwyddyn hon o gynlluniau peilot, gall rhieni fanteisio ar elfen gofal plant y cynnig ar unrhyw adeg y dymunant, fodd bynnag, cyfrifoldeb y rhiant yw dod o hyd i ddarparwyr a all fodloni eu gofynion.

### **A all rhieni gronni eu horiau?**

Na, ni chaiff system gronni/bancio ei rhoi ar waith o fis Medi 2017. Darperir cyfanswm o 30 awr yr wythnos o ddarpariaeth MCS a gofal plant wedi'u cyfuno ar gyfer rhieni a byddant yn dewis faint o'r 30 awr i'w defnyddio. Collir unrhyw oriau na chânt eu defnyddio mewn wythnos.

## Beth fydd darparwyr Gofal Plant yn ei dderbyn?

### **Beth yw'r gyfradd tâl i ddarparwyr o dan y cynnig?**

Bydd pob darparwr yn derbyn cyfradd o £4.50 yr awr ar gyfer plant sy'n derbyn y cynnig. Nid yw'r gyfradd hon yn cynnwys bwyd. Felly caiff darparwyr godi ffioedd ychwanegol ar rieni ar gyfer bwyd. Fodd bynnag, ni all hyn fod yn fwy na £7.50 y diwrnod.

Canllawiau Llywodraeth Cymru o ran gosod ffioedd ychwanegol o dan y cynnig ar gyfer sesiwn gofal dydd llawn (tua 10 awr) yw na ddylid cod mwy na £7.50 y diwrnod ar rieni (byddai hyn yn cynnwys tri phryd o fwyd am £2 yr un a 2 fyrbryd am dâl o 75c yr un). Ar gyfer sesiwn hanner diwrnod (tua 5.5 awr) ni ddylid codi mwy na £4.75 ar rieni (dau bryd o fwyd am £2 yr un ac un byrbryd am 75c). Ar gyfer gofal sesiynol pan na ddarperir pryd o fwyd ond bod plant yn derbyn byrbryd, y canllawiau yw na ddylid cod mwy na 75c y diwrnod ar rieni am fyrbryd.

Hefyd, gall darparwyr godi am weithgareddau a thrafnidiaeth megis teithiau oddi ar y safle sy'n peri cost ychwanegol neu godi/gollwng plant.

Ni all darparwyr godi cyfraddau ychwanegol fesul awr os byddent fel arfer yn codi mwy na £4.50 yr awr.

Sylwer y gall fod yn bosibl y bydd blaendaliadau/ taliadau ar gadw/ tâl gwyliau (ar gyfer gwarchodwyr plant) yn berthnasol o hyd a dylech chi siarad â'ch darparwr gofal plant am hyn cyn mynd i gontract gyda nhw.

## Sawl wythnos o'r flwyddyn sydd i'r cynnig?

### Sut fydd y cynnig yn gweithio y tu allan i'r tymor?

Bydd y cynnig gofal plant ar gyfer hyd at 48 wythnos y flwyddyn. Mae Darpariaeth Meithrin Cyfnod Sylfaen ar gael am 39 wythnos y flwyddyn; felly bydd rhieni cymwys yn gallu manteisio ar 30 awr o ofal plant am y 9 wythnos o'r flwyddyn sy'n weddill.

Gall rhieni cymwys fanteisio ar eu 9 wythnos o ddarpariaeth gwyliau pryd bynnag y dewisant, fodd bynnag, cyfrifoldeb y rhiant yw dod o hyd i'r ddarpariaeth sydd yn gweddu eu hanghenion orau. At ddiben y cynllun peilot bydd angen i rieni ddefnyddio'u darpariaeth mewn blociau o wythnos ar y tro. Ni all oriau gofal plant gael eu cronni ar draws wythnosau.

## Â phwy ddylwn i gysylltu i gael rhagor o wybodaeth?

Dylech chi gysylltu â Gwasanaeth Gwybodaeth i Deuluoedd Casnewydd i gael rhagor o fanylion.

**Ffoniwch:** 0800 328 8483

**E-bost:** [family.information@newport.gov.uk](mailto:family.information@newport.gov.uk)

**Facebook:** [facebook.com/newportfis](https://www.facebook.com/newportfis)

**Twitter:** @newportfis